

आकाशवाणी

खास-खास खबरां:-

- प्रधानमंत्री नरेन्द्र मोदी ते जापान दी प्रधानमंत्री होरें आतंकवाद ते हिंसक उग्रवाद दे सारे रुपें दी सख्त लफ्जें च निंदेआ कीती।
- निर्वाचन आयोग नै अखिल भारतीय तृणमूल कांग्रेस दे प्रतिद्विदी गुटें थमां पार्टी संगठन दे चुनाएं ते अधिकृत तौर पर दस्तख्त करने आहलें दे आपसी विरोधी सरबंध चलदे जवाब तलब कीता ऐ।
- सालाना “श्री अमरनाथ जी दी यात्रा” अज्ज बड़लै जम्मू-कश्मीर च पहलगाम ते बालटाल आहले दौनें रस्ते राएं शुरु। श्रद्धालुएं बम-बम भोले ते हर-हर महादेव दे नारे लांदे होई गुफा आहली भेठा बद्दे।
- ईरान दे सर्वोच्च नेता मोजतबा खामेनेई होर अपने पिता ते साबका सर्वोच्चय नेता अली खामेनेई हुंदे खीरी संस्कार च सुरक्षा कारणें करी शामिल नैई होडन।
- फीफा विश्व कप च कल रातीं खेड्डे गेदे मैच च स्पेन नै आस्ट्रेलिया गी 3-0 कन्नै हराया।
- ते ICC महिला टी-20 विश्व कप दे दुए सैमीफाइनल मैच च इंग्लैंड नै दक्खन अफ्रीका गी 40 रन्ज कन्नै हराया।

<><><><><><>

PM -Japan

प्रधानमंत्री नरेन्द्र मोदी ते जापान दी प्रधानमंत्री सनाए ताकाएची होरें आतंकवाद ते हिंसक उग्रवाद दे सारे रुपें दी सख्त लफ्जें च निंदेआ कीती ऐ। एदे च पाकिस्तान थमां चलाया जा'रदा बन्ने पार आहला आतंकवाद बी शामिल ऐ। नमीं दिल्ली च कल भारत-जापान सालाना शिखर सम्मेलन मगरा सांझे ब्यानै च दौनें नेताएं पिछले बरे 22 अप्रैल गी जम्मू-कश्मीर च पहलगाम आतंकवादी हमले दी निंदेआ कीती। उ'नें पिछले बरे 10 नवम्बर गी दिल्ली च होई दी आतंकी घटना दी बी निंदेआ कीती।

उंनै संयुक्त राश्ट्र च सूचिबद्ध सारे आतंकवादी समूहें ते संस्थाएं खिलाफा कारवाई करने दा आहवान कीता। उंनै आतंकवादियें दे सुरक्षित ठकाने गी जड़ थमां खत्म करने, आतंकवादियें गी माली मदद उपलब्ध करोआने आहले तंत्र ते अंतराष्ट्रीय अपराधे कन्नै उन्दे गठजोड़ गी खत्म करने ते आतंकवादियें दी बन्ने पारा आवा-जाई रोकने आस्तै सख्त कारवाई दा आहवान कीता। दौनै प्रधानमंत्रिणें सौखे ते मज़बूत हिंद प्रशांत क्षेत्र दे सांझा लक्ष्य आस्तै इक्कै जनेई विचारधारा आहले मुख्यें बश्कार सहयोग बदाने दी वचनबद्धता दौहराई।

<><><><><><>

India- Japan

भारत ते जापान ने भारत-जापान विशेष रणनीतिक ते वैश्विक सांझेदारी दे तौर पर आर्थिक सुरक्षा दे महत्व दा जिक्र कीता। आर्थिक सुरक्षा सहयोग पर भारत-जापान सांझे घोषणा पत्र च आखेआ गेआ ऐ जे आर्थिक सुरक्षा सांझेदारी आपसी विश्वास, सांझा मुल्लें ते आपसी हितें पर आधारित ऐ। इसदे मूजब दौनै मुख्यें दी समृद्धि, सुरक्षा ते आर्थिक भविष्य आपूं-चै गहराई कन्नै जुड़े दा ऐ। एह घोषणा-पत्र इस गल्ला दी तस्दीक ऐ जे अघयतन मुक्त ते आज़ाद हिंद प्रशांत क्षेत्र ते अंतर क्षेत्रिय सुरक्षा ते विकास आस्तै आपसी ते समग्र उन्नति महासागर परिकल्पणा बश्कार तालमेल दोनै पक्खें दी आर्थिक सुरक्षा सहयोग बदाने आस्तै प्रोत्साहित करदा ऐ। दौनै मुख्यें 5 प्रमुख क्षेत्रें सेमीकंडक्टर-महत्वपूर्ण खनिज, सूचना ते संचार प्रौद्योगिकी, स्वच्छ ऊर्जा ते औषधि क्षेत्रें च दपक्खी सहयोग गी मज़बूत करने लेई वचनबद्धता जाहिर कीती ऐ।

<><><><><><>

ECI -Trinamool Congress

निर्वाचन आयोग नै अखिल भारतीय तृणमूल कांग्रेस दे प्रतिद्विदी गुटें थमां पार्टी संगठन दे चुनाएं ते अधिकृत तौर पर दस्तख्त करने आहलें दे सरबन्ध च उन्दे आपसी विरोधी दावें पर जवाब मंगेआ ऐ।

इक ब्यानै च आयोग नै आखेआ ऐ जे उन्नै इस सरबंथै च दौनै गुटें दे दावे ते एतराजें बारे च ममता बैनर्जी ते पार्टी नेता गी बक्खरे-बक्खरे तौर पर चिट्ठी लिखी ऐ।

<><><><><><>

Amarnath Yatra

श्री अमरनाथ जी दी सलाना जातरा अज्ज बड्डलै पहलगाम ते बालटाल दौनै रस्तेया शुरु होई गेई ऐ। बम-बम भोले ते हर-हर महादवे दे नारे लांदे होई ज्हारां बद्दे श्रद्धालु 3 ज्हार 880 मीटर दी उंचाई पर स्थित श्री अमरनाथ जी दी गुफा च कुदरती तौर पर बर्फू कन्नै बने दे शिवलिंग दे दर्शन लेई अज्ज बड्डलै रवाना होए। पैहले जत्थे च कुल 4 ज्हार 822 श्रद्धालु शामिल न, जिंदे चा 2 ज्हार 510 श्रद्धालु पैहलगाम आले रस्तेआ जिसले के 2 ज्हार 312 श्रद्धालु बालटाल आले रस्तेआ जातरा करा करदे न। जातरा गी बवस्थित ढंगै नै करोआने लेई दौनै गै जातरा मार्ग पर सुरक्षा दे लोड़चदे प्रबंध कीते गेदे न।

<><><><><><>

SANJAY Yatr's 2nd Batch

श्री अमरनाथ श्रद्धालुं दा दुआ जत्था अज्ज बड्डलै सख्त सुरक्षा प्रबंधें हेठ जम्मू दे भगवती नगर यात्री निवास थमां घाटी लेई रवाना होआ। आकाशवाणी दे जम्मू संवाददाता मूजब 201 लौहकी बड्डी गड्डियें च सोआर इस जत्थे च कुल 3 ज्हारा 865 श्रद्धालु न। इंदे चा 17 सौ 35 श्रद्धालु 115एं गड्डियें च बालटाल लेई ते 21 सौ 30 श्रद्धालु 86 गड्डियें च पैहलगाम लेई रवाना होए दे न। बालटाल जाने आले श्रद्धालुं च इक ज्हार 259 मर्द, 335 महिला, 4 बच्चें, 104 साधु ते 33 साध्वियां शामिल न। इस्सै चाल्ली पहलगाम जा'रदे जत्थे च इक ज्हार 706 मर्द, 283 महिला, 126 साधु ते 15 साध्वियां न। तोंआई देशे दे बक्ख-बक्ख हिस्सें थमां खरी मती गिनतरी च श्री अमरनाथ श्रद्धालुं दा जम्मू पुज्जना बरोबर जारी ऐ।

<><><><><><>

Panchayat Min. Workshop

पंचैत राज मंत्रालय अज्जै थमां नमीं दिल्ली च राज्यें दे पंचैती राज मंत्रिण दी राश्ट्रीय कार्यशाला दा सरिस्ता करोग, जेदे च 16में माली आयोग दी सिफारशें पर चर्चा कीती जाग। कार्यशाला दी अध्यक्षता केन्द्रीय पंचैत राज मंत्री राजीव रंजन सिंह होर करडन ते केन्द्रीय राज्यमंत्री प्रोफेसर एस.पी. सिंह वघेल होर बी इस मौके पर मौजूद रहडन।

कार्यशाला दौरान वित्त मंत्रालय दे खर्चें सरबन्धी विभाग आस्सेआ जारी 16में माली आयोग दे ग्रामीण मुकामी निकाय अनुदानें गी लागू करने दे दिशा-निर्देश पर चर्चा होग। इस दौरान पंचैती राज इदारे दी माली स्थिरता गी मजबूत करने पर चेचा ध्यान दिता जाग। विचार-विमर्श कन्नै केन्द्र ते राज्यें बशकार सहयोग गी मजबूत करने ते 2047 तगर विकसित भारत बनाने दी परिकल्पना मूजब पंचैतें गी बेहतर शासन, बुनियादी सुविधाएं, सार्वजनिक सेवाएं ते समावेशी ग्रामीण विकास प्रदान करने आस्तै सशक्त बनाने दा मजबूत ढांचा विकसित करने च मदद थोने दी मेद ऐ।

<><><><><><>

Khamenei Funeral

ईरान दे सर्वोच्च नेता मोजतबा खामनेई अपने पिता ते साबका सर्वोच्चय नेता अयातुल्ला अली खामनेई हुंदे खीरी संस्कार च सुरक्षा कारणों करी शामिल नैई होडन। भारत च ईरान दे प्रतिनिधि अयातुल्ला हकीम इलाही होरें दस्सेआ जे धमकिएं ते निगरानी जोखिमें करी मोजतबा खामनेई हुंदा सार्वजनिक तौर पर सामने औना मुमकन नैई ऐ। एदे थमां पैहले बुधवारे ईरान दे विदेश मंत्री सैयद अब्बास अरागची होरें अमरीका थमां इजरायल गी ईरान गी धमकाने थमां रोकने दा आग्रह कीता हा। ईरान दे साबका सर्वोच्चय नेता अयातुल्ला अली खामनेई हुंदा खीरी संस्कार आहला कार्यक्रम 4 थमां 9 जुलाई तगर ईरान ते इराक च होग।

<><><><><><>

Bihar Govt. Iran

बिहार दे राज्यपाल, रिटायर्ड लेफ्टिनेंट जनरल सैयद अता हसनैन ते विदेश राज्य मंत्री पबित्रा मार्गेरिता कल ईरान दे सर्वोच्च नेता ग्रैंड आयतुल्लाह सैयद अली खामेनेई हुंदे खीरी संस्कार च शामिल होगन। इस बारे च विदेश मंत्रालय ने आखेआ जे समारोह च इन्ने दौने भारतीय प्रतिनिधियें दी उच्च स्तरीय उपस्थिति दौने देशें दे बश्कार सभ्यता कन्ने जुड़े दे सरबंघें दे महत्व दा सबूत ऐ। एह राजनीतिक ते आर्थिक सरबंघें लेई इक मजबूत आधार प्रदान करदी ऐ।

<><><><><><>

Om Birla –Kolkata

लोकसभा अध्यक्ष ओम बिरला अज्ज कोलकाता च पश्चिम बंगाल विधान सभा दे नमें चुनोए दे सदस्यें आस्तै 2 दिन दे संसदीय ते विधाई कम्मकाज मुतलक कार्यक्रम दा उदघाटन करडन। एदा मकसद नमें चुनोए दे सदस्यें गी संसदीय ते विधाई कम्मकाज दे बक्ख-बक्ख पैहलुएं कन्ने परिचित करोआना ऐ। इंदे च समीति प्रणाली, माली निगरानी, संसदीय खास अधिकार ते विधानसभा च उभरदी डिजिटल पैहल शामिल ऐ। लोकसभा सचिवालय नै दस्सेआ जे कार्यक्रम च विधायकें, पीठासीन अधिकारिणें ते संसदीय माहरें बश्कार संवाद ते अनुभवें दा आदान-प्रदान होग।

<><><><><><>

FIFA

स्पेन फीफा फुटबाल विश्व कप दे प्री-क्वार्टर फाइनल च पुज्जी गोआ ऐ। लॉस एंजिल्स स्टेडियम च कल राती स्पेन नै आस्ट्रेलिया गी 3-0 कन्ने हराइए खीरी 16 च थाहर बनाई। एदे थमां पैहले बेल्जियम, अमरीका ते इंग्लैंड खीरी 16 च पुज्जी चुके दे न। प्री-क्वार्टर फाइनल च सोमवारें इंग्लैंड दा मुकाबला मैक्सिको कन्ने होग। मंगलवारें अमरीका ते बेल्जियम बश्कार मुकाबला होग। फ्रांस, नार्वे, कनाडा, मोरक्को, ब्राजील ते पैराग्वे बी खीरी 16 आस्तै क्वालीफाई करी चुके दे न।

<><><><><><>

ICC World Cup

इंग्लैंड ICC महिला टी-20 क्रिकेट विश्व कप के फाइनल में पुज्जी गोआ ऐ। लंदन के केनिंग्टन ओवल में कल दुए सेमीफाइनल में इंग्लैंड नै दक्खन अफ्रीका गी 40 रनज कन्नै रहाया। पहले बल्लेबाजी करदे होई, इंग्लैंड नै निर्धारित 20एं ओवरें में 5 विकेटों मोहाड़यै 169 रनज बनाए। नैटसाइवर-ब्रंट ने 75 रनज दी शानदार पारी खेड़्डी। परतै में दक्खन अफ्रीका निर्धारित 20एं ओवरें में 8 विकेटों मोहाड़यै 129 रनज गै बनाई सकी। नैट साइवर-ब्रंट गी प्लेयर ऑफ द मैच चुनेया गोआ। ऐतवारें लॉर्ड्स में फाइनल मुकाबले में इंग्लैंड का सामना आस्ट्रेलिया कन्नै होग।

<><><><><><>

IMD

दक्खन पश्चिम मानसून दिल्ली, गुजरात, उत्तर-प्रदेश, मध्य प्रदेश, हरियाणा, पंजाब के राजस्थान के किश हिस्से में अग्रे बढ़ी चुके का ऐ। मौसम विभाग नै गुजरात, कोंकण, गोवा, मध्य महाराष्ट्र, ओडिशा के पच्छिमी मध्य प्रदेश में तेज बरखा का अनुमान लाया ऐ। छत्तीसगढ़ समुन्द्री कंडे आहले कर्नाटक, पूर्वी मध्य प्रदेश, पूर्वी राजस्थान, हिमाचल प्रदेश, केरलम, माहे, उत्तराखंड के विदर्भ में मौलाधार बरखा की संभावना ऐ। तोंआई दिल्ली में दिनें बदल छाए रौहने के कन्नै हलकी बरखा की संभावना ऐ। राजधानी में बदोबद तापमान 33 डिग्री सेल्सियस के घटो-घट तापमान 22 डिग्री सेल्सियस के कोल-काल रौहने की मेद ऐ।

<><><><><><>

Thailand Incident

थाईलैंड के उत्तर-पूर्वी मुकदाहान प्रांत में तीर्थयात्रा पर जा'रद 9 भिक्षुं की इक दुर्घना में मौत होई गई। सूत्रें मुजब 11 साल के इक मुड़े ने पिकअप ट्रक कन्नै इनें भिक्षुं गी टक्कर मारी दिती। अधिकारियें दस्सेआ के मुकदाहान प्रांत के कुल 35 भिक्षु तीर्थयात्रा पर हे। दुर्घटना में 5 भिक्षुं की मौत घटनास्थल पर गै होई गई, जिसलै के 4 होरनें की मौत अस्पताल में होई। 13 होरनें लोकें गी अस्पताल में भर्ती कराया गोआ, जिंदे में 3 की हालत गंभीर ऐ।

पुलस ने दस्सेआ जे मुडें गी हिरासत च लेई लैता गेआ ऐ ते राज्य दे बाल संरक्षण अधिकारियें दे
औने मगरा ओहदे शा पूछताछ कीती जाग

<><><><><><>